

# Kárášjoga Bargiidbellodat

*Kárášjogas mii loaktit ja ovdánat ovttas*



**Válgaprográmma 2023-2027**

## Boahtteáiggi báikegottit

Kárášjohka lea ebmos Sámi gielda gos lea nana ja ealli sámegiella ja –kultuvra, gos lea rabas searvevuhta ja maiddá láchččojuvvo dáro- ja eará gielaid ja kultuvrraid áimmahuššamii. Mii leat rápmásat min mánggakultuvrralaš birrasiin maid dáhttut ain ovddidit lunddolaš guovddážiin ja bálggesčuovgan Sámi ásahusaide.

Mii bargat ain Boahttevaš Kárášjoga hárrái.

***Jienas Bargiiddbellodaga jus liikožat dása.***

## **Bargosajiid ja buori bargodili háhkan**

*Kárášjoga gildii lea dehálaš háhkat bargosajiid ja buori bargodili.  
Kárášjoga Bargiiddbellodat atná dehálažžan fuolahit buohkaide barggu ja ollesáigge barggu buohkaide geat hálidit.*

- Mii bargat ain ásahit ollesáiggekultuvrra geahpedit dáhtokeahtes oasseáigebarggu gielddas
- Mii bargat árjjalaččat rekrutttet gielddalaš doaimmaide fidnooahppiid ja hárjehallansajiid
- Mii dáhtošeimmet eambbo nuorra rávesolbmuid máhccat Kárášjohkii go leat gárvvistan oahpuideaset, ja nu lágdivččiimet sidjiide viessosajiid ja mánáidgárdesajiid
- Min dáhttu lea dahkat Kárášjoga geasuheaddji gieltan ealáhusdoaimmaide dainna ahte ásahit ođđa bargosajiid ja leat isitgieltan almmolaš ásahusaide
- Mii ain bargat ahte Sámi mánáidviessu ja riikkadási Sámi roassoguoovddáš ásahuvvo Kárášjohkii ollislaččat
- Mii bargat heivehallat girdiruvttuid ja busseruvttuid gaskal Kárášjoga ja Leavnnja

*Kárášjoga Bargiidbellodat dáhttu nannet ja ovddidit ealáhusdoaimmaid gielddas. Mii áigut dahkat buriid rámmaeavttuid nannet dálá doaimmaid, ja nu maiddá ođđaásahemiide gielddas.*

- Mii bargat ahte nannet báikkálaš ealáhusfoandda ja atnit erenomáš fuola ođđaásahemiide
- Mii bargat ahte gielda ovddemustá gávppaša/ atná báikkálaš bálvalusaid
- Mii dáhtut lágidit ja movttiidahttit nuoraid geat dáhtošedje ásaht ođda bargosajiid
- Mii doarjut eanadoalu ovdánahttima servodatrievdadusaid olis ja maiddá doarjut ja bagadat ođđaásahemiid eanadoalus
- Mii fertet boazodolliide váfistit dásseidis ja diehttevaš njuovvanvejolašvuodaid
- Mii dáhtut bargat ásaht boazodollui fuođardoarjjaortnegiid goavvejagiin
- Mii dáhtut lágidit lotnolas- ja luondduvuđotealáhusaide
- Mii dáhtut ásaht vuodđoealáhusaide mátkkoštandoaimma lassiealáhusvejolašvuotán
- Mii bargat lasihit ovttasbarggu mátkkoštandoaibmalágideddjiid gaskkas
- Mii váikkuhivččiimet oalgguhit ođđaásahemiid virolaš giehtadoaimmalaččaide ja designeriidda
- Ealli ealáhusdoaimmaid váfisteami dihtii mii bargat árjjalaččat eastadit gávpesuođdama





## Dálkkádat ja luondu – rámma buot politihkkii

*Kárášjoga Bargiidbellodat atná fuola áimmahuššat luonddu ja dálkkádaga. Luondu lea dehálaš bealli buot Kárášjoga gieldda ássiide. Mii lágídat buriid luonddugeavahaneavttuid sihke ássiide ja ealáhusdoaimmaide. Mii nannet dálkkádathástalusaid čalmmustahttima dáfus.*

- Mii dáhttit dahkat buriid guottuid ja doaibmabijuid čorgadat Kárášjoga hárrái
- Bievlamáđiid buorideami dáfus mii dáhttit ovttasbargat báikkálaš eaktodáhtolaš doaimmaheddjiiguin
- Mii bargat ain dan ala ahte skohterláhttit galget vuolgit ássanguovlluin rabas luottaide
- Mii doaimmahivččiimet buori gulahallama ássiid ja ealáhusdoaimmaid gaskka, vai buohkat sáhtašedje atnit luonddu áhpásmahttimii, báikkálaš meahcásteapmái ja boazodollui
- Mii váikkuhivččiimet váfistit báikkálaš, ceavzilis luossanáli hálddašeami ja eará luondduvuđot ealáhusaide
- Mii bargat lágídit báikkálaš meahcásteami hárrái
- Dálkkádatulbmiliid olaheami dáfus livčče leamaš dárbu gielddalaš biillaid dađistaga lonuhit boaldámušbiillain
- Gieldda visttiid mii vuoruhat beavttálmahttit energijageavaheami ođasmahtti energijavugiin
- Boahttevaš birrasa olis mii bargat energijabeaktovisttiid ala



## **Buohkaide buorre dearvvasvuohta ja eallindássu**

*Dearvvasvuohta ja eallindássu lea guovddášis buot ássiid beaivválaš dilis. Dearvvasvuođadillái ferte atnit fuola váfistan dihtii guhkes ja buori eallima. Kárášjoga Bargiidbellodat dáhttu nannet álbmotdearvvasvuođa čalmmustahttima ja fállat buriid dearvvasvuođabálvalusaid. Buorre álbmotdearvvasvuohta lea dehálaš earret eará boarrásiidbáru dárbbuid deaivvadettiin.*

- Mii gozihat ođđa dearvvasvuođaguovddáša barggu mii álggahuvvo manjimustá 2024
- Min dáhttu lea ovttastahttit ambulánsabálvalus- ja fáhkka buohccisajádaga ođđa dearvvasvuođaguovddášii
- Mii dáhttu nannet dearvvasvuođa- ja fuolahusbálvalusa ođđa buresveadjinteknologiijain vai eambbosat sáhtašedje guhkit orrut ruovttus
- Mii dáhttu nannet eastadanbargguid ja maiddái nannet psyhkalaš dearvvasvuođa ja gárrenvuođa fáldadaga
- Mii dáhttu buoridit ovttasbarggu ja ovttasdoaimma spesialistadearvvasvuođabálvalusain nannen dihtii dearvvasvuođafáldadaga ássiide
- Mii dáhttu bargat eastadeaddjibarggu boarrásiid psyhkalaš ja rumašlaš dearvvasvuođa hárrái, earret eará ovddidit boarrásiidda buoret fáldadaga beaivveguovddášfáldadagain ja deaivvadansajiid ruovttus ássi boarrásiidda
- Boarrásiid eastadanbarggu mii doaimmahat doarjjaortnetdieđuid iežat ásodaga lágideapmái ja dearvvasvuođa ovddidan doaibmafáldadagaid hárrái
- Mii ohcat ovttasbarggu oahppaásahusaiguin álggahit gáiddus buohccedivššároahpa Kárášjohkii
- Mii doarjut Sámi klinihka ovddidan- ja áimmahuššanbarggu, ja ovttasbargat árjjalaččat klinihkain ovddidit dan oppalaš dearvvasvuođafáldadaga gielddas
- Mii veahkehat ja doarjut Sámi klinihka barggu ahte oažžut CT-röntgenbarggu ja Sámi veajuidathtinfáldadaga

## **Buorre bajáššaddan bistá eallima čada**

*Mánáidgárddiid ja skuvlafálaldagat vuođđuvuo ja áimmahuššojuvvo Sámi árvo-, vierro- ja máilmmigovvapedagogihkkii. Kárášjoga Bargiidbellodahkii lea dehálaš ahte mánát ja nuorat vásihit Kárášjoga gieldda buori ja dorvvolaš bajáššaddansadjin. Go mánát ja nuorat vásihit buori ja dorvvolaš bajáššaddama, de váikkuha dat ahte eambo nuorat máhccet báikegoddái go gárvvistit oahpaset.*

- Mii gozihat ođđa vuođđoskuvlla huksenbargguid mii álggahuvvo manimustá 2024
- Mii atnit fuola addit Sámi giellaoahpaheapmái buori dásu, vai maiddái dat mánát geain sámegiella ii leat eatnigiella ovdánivčče bures sámegielas
- Mii hoahpuhat addit árra doarjaga mánáidgárdde- ja vuođđoskuvlamánáide geat dárbbasit lassi veahki ja doarjaga
- Skuvlamovttiidahttimis mii bargat ovddidit váhnenbagadanfálaldaga ja givssidaneastadeami doaibmabijuid
- Mii veahkehat ovddidit ain ráđđeaddinbálvalusa, dearvvasvuođabuohccedivššárbálvalusa ja PPB:a gelbbolašvuođaovddideami doaibmabijuin mat ovddidivčče psykososiála birrasa mánáidgárddiin ja skuvllas
- Mii bargat nannet amasgiela oahppafálaldaga nuoraidskuvllas
- Dábálaš vuođđoskuvlafálaldagas mii ovddidat ain kulturskuvlafálaldaga ja ohcalat stuorát ovttahttima NKČ:ain(UKM)
- Ovttasbargat NAV:ain eastadit mánáidgeafivuoda
- Geavahit árrjalaččat doaibmankoartta dahkan dihtii mánáide ja nuoraide vejolašvuođa oasálastit organiserejuvvon falášallamis ja kulturdoaimmain



Govva: Kjell Harald Sæther.

## **Ealli gávpogat ja gilážat**

*Buot gilážat ja gávpogat leat sorjavaččat leat geasuheaddjin vai ássit loavttášedje ja váikkuhivčče eambbosiid fárret deikke. Kárášjoga Bargiiddbellodat dáhttu bargat ássiide lassi ássanmiela dáppe ja deikke fárrejeaddji olbmuid válljet Kárášjoga bissovaš ássanbáikin.*

- Mii doarjut ássanmiela barggu
- Mii dáhttu gielddalaš infrastruktuvrra lágideami nuoraidásodathuksemii ja márkanguovddáža lahka boarrásiidásodagaid/ ásoatserviid
- Mii oalgguhat eaktodáhtolašvuoda ja láchit buot ássiide čoagganansajiid ja lanjaid eaktodáhtolašvuodabargguide
- Mii dáhttu ásaht kinofálaldaga ođđa skuvlavistti mánggagaveavahushállas
- Mii dáhttu bovdet nuoraid hábmet boahpteáigásaš čoagganansajiid ja earret eará ásaht E-sport lanja
- Doarjut ain faláštallanserviid ja eaktodáhtolaš bargguid dahkat ja máđasadni čuovgaláhtuid
- Mii álggahat láchinbarggu luođufaláštallamii boares čievrabánnas
- Mii joatkit mannolaga ásaht Sámi dáiddamusea
- Muđuid Kárášjoga Bargiiddbellodat bargá ain oazžut ođđa Riddo Duottar museavistti
- Mii initieret jáhkásaš kulturmeassu gos organisašuvnadoaimmat, dáidda- ja kulturoaimmaheaddjit ja kultureallingeavaheaddjit deaivvadit ja ovdanbidjet doaimmaideaset
- Mii bargat dasa ahte Sámi našunálbeaivi, guovvamánu 6. beaivi, ávvuduvvo vahku, Sámi vahkkun, olu doaluiguin ja kulturfálaldagaiguin
- Mii bargat dasa ahte fylkkagiella vuoruha divodit RV 92 Gievdneguoika – Kárášjohka
- Mii bargat oazžut ráhkaduvvot vázzin- ja sihkkelgeainnuid báikegottis. Kárášjoga Bargiiddbellodat vuoruha joatkit vázzin- ja sihkkelgeainnu Rávdojohkii
- Mii dáhttu maid divodit gielddalaš geainnuid ja ráhkadit bussebisánastinsajiid
- Mii bargat lasihit Viessobánkku álginloanaid nuoraide ja olbmuide váttes dilis
- Guovžžaid lassáneapmi čuohtá álbmoga loaktimii ja eallindássui, ja dat čuohtá maidái boazodollui. Dan hástalusii ferte vuoruhit álggahit doaibmabijuid.
- Kárášjoga bargiiddbellodat áigu doarjut ja ovtasbargat Nordlys faláštallanjoavkku duohtandahkat stuorrahálla Kárášjohkii

## Kárášjoga Bargiidbellodaga lista gielddaválgii 2023-2027

|          |                             |             |
|----------|-----------------------------|-------------|
| <b>1</b> | <b>Svein Atle Somby</b>     | <b>1969</b> |
| <b>2</b> | <b>Britt Irene Øvregård</b> | <b>1968</b> |
| 3        | Kjell Olav Guttorm          | 1988        |
| 4        | Berit Astrid Utsi           | 1961        |
| 5        | Jan Idar Somby              | 1967        |
| 6        | Beate Thomassen             | 1980        |
| 7        | Kjell Magne Grønnli         | 1979        |
| 8        | Berit Anni G. Somby         | 1959        |
| 9        | Nils Daniel Eikjok          | 1975        |
| 10       | Eldbjørg Mathisen           | 1955        |
| 11       | Anders Kleppe               | 1951        |
| 12       | Øyfrid Balto Samuelsen      | 1956        |
| 13       | Klemet Amund Eira           | 1958        |
| 14       | Kari Ingeborg Høgden        | 1940        |
| 15       | Roald Andreas Inga          | 1954        |
| 16       | Veronica K. Børseth-Eriksen | 1980        |
| 17       | John Tor Gaup               | 1960        |
| 18       | Renathe Aspeli Simonsen     | 1977        |
| 19       | Jo Espen Thomassen          | 1973        |
| 20       | Karin Adele Sæther          | 1951        |
| 21       | Frank Lindseth              | 1959        |
| 22       | Nina R. Nedrejord           | 1956        |
| 23       | Piera Mosebakken            | 1953        |
| 24       | Vidar Somby                 | 1960        |